

25.02.122

Bosna i Hercegovina
Federacija Bosne i Hercegovine
KANTON SARAJEVO
Vlada



Босна и Херцеговина
Федерација Босне и Херцеговине
КАНТОН САРАЈЕВО
Влада
Bosna i Hercegovina
Federacija Bosne i Hercegovine
KANTON SARAJEVO
Javna ustanova "Služba za zapošljavanje Kantona Sarajevo"

Bosnia and Herzegovina
Federation of Bosnia and Herzegovina
CANTON SARAJEVO
Government

PRIMLJENO
Organ
Iz...
23-03-2022
01/01-34-0481/22

Broj: 02-04-10691-41/22
Sarajevo, 17.03.2022. godine

Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo“, broj: 36/14 - Novi prečišćeni tekst i 37/14 - Ispravka) i člana 4. Zakona o posredovanju u zapošljavanju i socijalnoj sigurnosti nezaposlenih osoba („Službene novine Kantona Sarajevo“, broj: 4/04, 29/09 i 18/13) Vlada Kantona Sarajevo, na 69. sjednici održanoj **17.03.2022.** godine, donijela je

ZAKLJUČAK

1. Utvrđuje se Program mjera za podsticaj zapošljavanja i održavanja više stope zaposlenosti i poboljšanje strukture zaposlenih u Kantonu Sarajevo u 2022. godini, koji je sastavni dio ovog Zaključka.
2. Za realizaciju Programa iz tačke 1. ovog zaključka zadužuje se Javna ustanova „Služba za zapošljavanje Kantona Sarajevo“ Sarajevo i Ministarstvo za rad, socijalnu politiku, raseljena lica i izbjeglice Kantona Sarajevo, svako u okviru svoje nadležnosti.



Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Premijer Kantona Sarajevo,
4. Ministarstvo za rad, socijalnu politiku, raseljena lica i izbjeglice Kantona Sarajevo,
5. Ministarstvo privrede Kantona Sarajevo,
6. Javna ustanova „Služba za zapošljavanje Kantona Sarajevo“ Sarajevo (putem Ministarstva za rad, socijalnu politiku, raseljena lica i izbjeglice Kantona Sarajevo),
7. Evidencija,
8. Arhiva.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-000, Fax: + 387 (0) 33 562-076
Web: <http://vlada.ks.gov.ba>, E-mail: vlada@vlada.ks.gov.ba

23 -03- 2022

सम्बोधनात्मक वाक्यों का
विवरण देने वाली वाक्यांश
की सूची का नामाज्ञ
प्रसिद्धि का विवरण

विवरण
विवरण
विवरण
विवरण



Broj: 02-04-10691-41.1/22
Sarajevo, 17.03.2022. godine

Na osnovu člana 4. stav (1), a u vezi člana 9 i 10. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo ("Službene novine Kantona Sarajevo", broj: 4/04, 29/09 i 18/13), a na zajednički prijedlog Ministarstva za rad, socijalnu politiku, raseljena lica i izbjeglice Kantona Sarajevo, Ministarstva privrede Kantona Sarajevo i Javne ustanove "Služba za zapošljavanje Kantona Sarajevo" Sarajevo, Vlada Kantona Sarajevo, na **69.** sjednici održanoj **17.03.2022.** godine, donijela je

PROGRAM MJERA
za podsticaj zapošljavanja i održavanja više stope zaposlenosti i poboljšanje strukture zaposlenih u Kantonu Sarajevo u 2022. godini

OPŠTE ODREDBE

Član 1.

Programom mjera za podsticaj zapošljavanja i održavanja više stope zaposlenosti i poboljšanje strukture zaposlenih u Kantonu Sarajevo u 2022. godini, (u daljem tekstu: Program), definišu se pojedinačne podsticajne mjere, utvrđuju finansijska sredstva, te kriteriji, ciljevi i rokovi realizacije svake od predviđenih podsticajnih mjeru, način praćenja realizacije svake od predviđenih podsticajnih mjeru, način objavljivanja javnih poziva, praćenje efekata, te druga pitanja od značaja za provođenje Programa.

POJEDINAČNE PODSTICAJNE MJERE

Član 2.

Pojedinačne podsticajne mjeru koje će se realizirati u 2022. godini su:

1. Program sufinansiranja Javnih radova;
2. Program sufinansiranja samozapošljavanja nezaposlenih osoba koje imaju najmanje deset godina radnog staža;
3. Program sufinansiranja samozapošljavanja mladih nezaposlenih osoba do 35 godina života;
4. Program sufinansiranja zapošljavanja teško upošljivih kategorija nezaposlenih osoba;

FINANSIJSKA SREDSTVA

Član 3.

Finansijska sredstva za realizaciju pojedinačnih podsticajnih mjera iz člana 2. Programa, obezbjeđuje Javna ustanova „Služba za zapošljavanje Kantona Sarajevo“ Sarajevo (u daljem tekstu: Služba) u iznosu od 6.099.034,00 KM i ista se raspoređuju na pojedinačne podsticajne mjere na slijedeći način:

1. Program sufinansiranja Javnih radova – 884.234,00 KM za 500 nezaposlenih osoba;
2. Program sufinansiranja samozapošljavanja nezaposlenih osoba koje imaju najmanje deset godina radnog staža – 1.000.000,00 KM za 100 nezaposlenih osoba iz ciljne skupine;
3. Program sufinansiranja samozapošljavanja mladih nezaposlenih osoba do 35 godina života – 1.288.000,00 KM za 70 nezaposlenih osoba iz ciljne skupine;
4. Program sufinansiranja zapošljavanja teško upošljivih kategorija nezaposlenih osoba – 2.926.800,00 KM za 271 nezaposlenu osobu iz ciljne kategorije;

CILJEVI, KRITERIJI I ROKOVI REALIZACIJE PROGRAMA

Član 4.

PROGRAM SUFINANSIRANJA JAVNIH RADOVA

- (1) Program javnih radova (u daljem tekstu: Program) realizuje se angažovanjem na period do dva mjeseca ugroženih kategorija nezaposlenih osoba sa evidencije nezaposlenih Službe, a u svrhu izvršavanja poslova od šireg društvenog interesa.
- (2) U ovom programu prednost za učešće imaju nezaposlene osobe: članovi porodica šehida/poginulih, umrlih i nestalih branioca prvenstveno djeca, ratni vojni invalidi i njihova djeca, djeca umrlih ratnih vojnih invalida, dobitnik ratnih priznanja i odlikovanja i njegova djeca i djeca poginulih, umrlih i nestalih dobitnika ratnog priznanja i odlikovanja, branilac, demobilizirani branilac i njegova djeca, dobrovoljac i njegova djeca, organizator otpora i njegova djeca, veteran i njegova djeca sa područja Kantona Sarajevo, civilne žrtve rata, te najugroženije kategorije nezaposlenih lica korisnika prava iz oblasti socijalne zaštite i to: roditelji djece sa invaliditetom od najmanje 80 % invaliditeta, žrtve nasilja u porodici, mlade osobe koje su izašle iz sistema javne brige, liječeni ovisnici o psihoaktivnim supstancama, Romi, lica sa invaliditetom, samohrani roditelji, korisnici javnih kuhinja, kao i osobe sa statusom člana domaćinstva u kome ni jedan član nije zaposlen i nezaposlene osobe iz savjetodavnog procesa, a koje imaju individualni plan zapošljavanja sačinjen od strane savjetodavca u birou.
- (3) Pravo učešća u Programu imaju nezaposlene osobe prijavljene na evidenciju nezaposlenih u Kantonu Sarajevo.
- (4) Neto naknada za angažovanje iznosi 800,00 KM, mjesечно po angažovanoj osobi, odnosno 883,00 KM u mjesecnom bruto iznosu, a svi drugi eventualni troškovi, padaju na teret poslodavca.
- (5) Cilj Programa javnih radova je stimulisanje zapošljavanja teško zapošljivih kategorija nezaposlenih osoba, radnim angažovanjem kroz Program javnih radova.



(6) Program javnih radova će se izvoditi u oblastima:

1. uređenja i čišćenja okoline,
2. socijalne zaštite na području Kantona Sarajevo,
3. kulture, turizma i sajamskih manifestacija.

(7) Poslodavci koji žele učestvovati u Programu javnih radova, dužni su:

1. podnijeti aplikaciju u roku predviđenom u javnom pozivu,
2. priložiti projekat iz jedne ili više oblasti navedenih u stavu (6) ovog člana, sa preciznim opisom poslova koji će se izvršavati, tačno navedenim brojem i strukturom izvršilaca. U projektu je potrebno navesti i druge podatke bitne za vrednovanje aplikacija, prema kriterijima iz stava (9) ovog člana,
3. uz aplikaciju je potrebno priložiti slijedeće: rješenje o registraciji u Kantonu Sarajevo, uvjerenje o poreskoj registraciji sa identifikacionim brojem, uvjerenje o izmirenim obavezama po osnovu poreza i doprinosa sa listingom o trenutnom broju zaposlenih ne starije od 60 dana od dana objave javnog poziva (izdat od strane Porezne uprave Federacije Bosne i Hercegovine), uvjerenje o izmirenim obavezama poreza na dodatnu vrijednost ukoliko je podnositelj aplikacije PDV obveznik ne starije od 60 dana od dana objave javnog poziva (izdat od strane Uprave za indirektno oporezivanje Bosne i Hercegovine), a ako poslodavac nije PDV obveznik dostavlja izjavu ovjerenu kod nadležnog općinskog organa ili notara da nije PDV obveznik i potvrdu ili ugovor banke o otvorenom glavnem računu poslodavca (ako je poslodavac budžetski korsnik šifra budžetskog korisnika), sve u originalu ili ovjerenoj fotokopiji.

(1) Poslodavci koji redovno ne izmiruju obaveze uplate javnih prihoda, ne mogu učestvovati u Programu, osim u slučaju kad poslodavac ima potpisani ugovor sa Poreznom upravom Federacije Bosne i Hercegovine i Upravom za indirektno oporezivanje o uplati duga na rate u kom slučaju je poslodavac obavezan dostaviti ovjerenu fotokopiju navedenog sporazuma.

(2) Kriteriji za vrednovanje aplikacija su:

- projekti poslodavaca kojima je osnivač općina, Kanton Sarajevo, Federacija Bosne i Hercegovine i Bosna i Hercegovina – 4 boda,
- projekti od značaja za široku društvenu zajednicu u smislu direktnе koristi za veći broj lica – 4 boda,
- projekti od značaja za široku društvenu zajednicu u smislu direktnе koristi za korisnika krajnje usluge – 2 boda,
- poslodavci sa trenutnim brojem zaposlenih: do 10 osoba – 1 bod, od 11 do 30 osoba – 3 boda, od 31 do 50 osoba – 5 bodova i preko 50 osoba – 7 bodova,
- poslodavaci koji će angažovati nezaposlene osobe iz stava (2) ovog člana – 1 bod,
- ocjena projekta od 1 do 5 bodova.

(1) Vrednovanje aplikacija se vrši u Službi, a na osnovu priložene dokumentacije, u skladu sa kriterijima iz stava (9) ovog člana. Na prijedlog Upravnog odbora Službe ovu listu usvaja Vlada Kantona Sarajevo, a po usvajaju iste direktor Službe zaključuje ugovore sa aplikantima čije aplikacije za učešće u ovom programu su prihvачene.

(2) Ugovorom iz stava (10) ovog člana, uređuju se prava i obaveze Službe i poslodavca, pravo poslodavca na izbor nezaposlene osobe i obavezu zaključivanja ugovora o angažiranju sa nezaposlenom osobom, obavezu isplate naknada i pripadajućih poreza i doprinosa za angažiranu osobu, obavezu pravdanja svih troškova i dr.



- (3) Rok za realizaciju Programa javnih radova je 6 mjeseci od dana potpisivanja ugovora sa poslodavcem iz stava (10) ovog člana.

Član 5.

PROGRAM SUFINANSIRANJA SAMOZAPOŠLJAVANJA NEZAPOSLENIH OSOBA KOJE IMAJU NAJMANJE DESET GODINA RADNOG STAŽA

- (1) Program sufinansiranja samozapošljavanja nezaposlenih osoba koje imaju najmanje deset godina radnog staža (u daljem tekstu: Program), realizuje se njihovim samozapošljavanjem, odnosno pokretanjem samostalne djelatnosti.
- (2) Cilj Program sufinansiranja samozapošljavanja je kraće trajanje nezaposlenosti nezaposlenih osoba i stimulisanje njihovog samozapošljavanja.
- (3) Pravo učešća u Programu imaju nezaposlene osobe koje na dan objave javnog poziva imaju najmanje deset godina radnog staža, prijavljene na evidenciju nezaposlenih u Kantonu Sarajevo, a koje imaju osnovne prepostavke za bavljenje samostalnom djelatnošću u Kantonu Sarajevo i koje do sada nisu koristile sredstva za samozapošljavanje od strane Službe i Federalnog zavoda za zapošljavanje.
- (4) Služba će nezaposlenim osobama, koje budu obuhvaćene ovim programom i registruju samostalnu djelatnost, na ime troškova registracije, doznačiti sredstva u iznosu od 400,00 KM, te mjesечно, u trajanju od 12 mjeseci, refundirati sredstva u ukupnom iznosu od 800,00 KM, za isplatu plaća i uplatu zakonom propisanih poreza i doprinosa ili uplatu zakonom propisanih poreza i doprinosa u zavisnosti od vrste djelatnosti.
- (5) Programom samozapošljavanja neće se sufinansirati osnivanje udruženja, fondacija i domaće radinosti kao ni aplikacije osoba koje su već koristile sredstva za ove namjene od strane Službe ili Federalnog zavoda za zapošljavanje.
- (6) Nezaposlene osobe koje žele učestvovati u ovom programu dužne su podnijeti:

- aplikaciju na propisanom obrascu sa navedenim osnovnim elementima samozapošljavanja,
- izjavu ovjerenu kod općinskog organa ili notara, a koja je sastavni dio aplikacije,
- obaveznu formu poslovnog projekta, propisanu od strane Službe,
- dokaz o radnom stažu (uvjerenje/potvrda Federalnog zavoda za penzijsko i invalidsko osiguranje PIO/MIO),
- aplikanti koji žele da registruju poljoprivrednu djelatnost dužni su priložiti potvrdu da imaju registrovano poljoprivredno gazdinstvo prije objave javnog poziva.

- (1) Kriteriji za vrednovanje aplikacija su:

- aplikanti koji su na evidenciji nezaposlenih:
 - do 12 mjeseci.....1 bod,
 - od 12 do 48 mjeseci.....2 boda,
 - preko 48 mjeseci.....3 boda.
- aplikanti koji će registrirati:
 - proizvodnu, turističku ili djelatnost iz IT sektora.....7 bodova,
 - proizvodno uslužno zanatstvo i stručne usluge.....5 bodova,
 - poljoprivredna djelatnost.....2 boda,



- ostale djelatnosti.....1 bod.
- aplikanti koji će registrirati društvo sa ograničenom odgovornošću.....5 bodova.
- ocjena poslovnog projekta:
 - zadovoljava.....5 bodova,
 - dobra.....7 bodova,
 - odlična.....10 bodova,
- aplikanti koji su članovi šehidskih porodica i porodica poginulih boraca.....5 bodova,
- aplikanti demobilisani borci i članovi njihovih porodica.....3 boda.

KRITERIJI ZA OCJENU POSLOVNIH PROJEKATA APLIKANATA

KRITERIJ 1: INOVATIVNOST IDEJE

- Da li je poslovna ideja inovativna i na koji način? (do 5 bodova) _____
- Da li je opis poslovne ideje dovoljno jasan? (do 5 bodova) _____
- Da li su u opisu identifikovane potrebe kupaca koje se nastoje zadovoljiti poslovnom idejom? (do 5 bodova) _____

KRITERIJ 2: KVALIFIKACIJE

- Kvalifikacije aplikanta (iskustvo, znanje, motiv, stručnost,...) za pokretanje biznisa u navedenoj djelatnosti? (do 15 bodova) _____

KRITERIJ 3: PROIZVOD/USLUGA

- Po čemu će proizvod/usluga biti jedinstven? (do 5 bodova) _____
- Da li su navedene sve najvažnije karakteristike proizvoda/usluge koji će se nuditi na tržištu? (do 3 boda) _____
- Da li je jasna namjena proizvoda/usluge? (do 3 boda) _____
- Postoji li detaljno opisan proces izrade proizvoda/usluge? (do 3 boda) _____
- Da li su svi potrebni resursi za izradu proizvoda/usluge raspoloživi? (do 3 boda) _____
- Ima li proizvod ili usluga štetan uticaj po okolinu? (do 3 boda) _____

KRITERIJ 4: TRŽIŠTE

- Postoje li informacije o provedenom istraživanju tržišta? (do 3 boda) _____
- Da li je izvršena segmentacija tržišta i identifikovani ciljni kupci? (do 3 boda) _____
- Koji su trendovi na cilnjem tržištu? (do 3 boda) _____
- Da li je urađena analiza konkurenčije i konkurenčnih snaga? (do 3 boda) _____
- Da li su navedene preferencije potencijalnih kupaca? (do 3 boda) _____
- Postoji li plan prodaje proizvoda/usluga i da li je realan? (do 3 boda) _____
- Da li je naveden plan nastupa na tržištu i način upotrebe instrumenata marketinga? (do 7 bodova) _____

KRITERIJ 5: FINANSIJE

- Da li su realno procijenjena sve neophodna ulaganja za početak rada? (do 3 boda) _____
- Da li su ukalkulisani svi troškovi poslovanja za posmatrani period? (do 3 boda) _____
- Da li su prihodi realno procijenjeni? (do 3 boda) _____
- Ocjena profitabilnosti i likvidnosti (do 3 boda) _____
- Mogućnost da aplikant obezbijedi neophodna sredstva za početak rada (do 3 boda) _____

KRITERIJ 6: ORGANIZACIJA POSLOVANJA I ANALIZA RIZIKA

- Da li su jasna zaduženja aplikanta i utvrđeni rokovi za izvršenje planiranih zadataka? (do 5 bodova) _____
- Da li su navedeni najznačajniji kritični faktori za pokretanje biznisa te načini za njihovo prevaziđaње (do 5 bodova) _____



Obrazac za ocjenu poslovnog Projekta:

IME I PREZIME APLIKANTA

POSLOVNA IDEJA:

Maksimum bodova	Dobveni bodovi
100	

1. INOVATIVNOST IDEJE	15	
2. KVALIFIKACIJE APLIKANTA	15	
3. PROIZVOD/USLUGA	20	
4. TRŽIŠTE	25	
5. FINANSIJE	15	
6. ORGANIZACIJA POSLOVANJA I PROCJENA RIZIKA	10	

UKUPNO REZULTAT:	100	
------------------	-----	--

Poslovni plan do 50 bodova ocjenjuje se konačnom ocjenom – ZADOVOLJAVA

Poslovni plan od 51 do 80 bodova ocjenjuje se konačnom ocjenom – DOBAR

Poslovni plan preko 81 boda ocjenjuje se konačnom ocjenom – ODLIČAN

KONAČNA OCJENA: _____

- (1) Kod istog broja bodova, prednost se daje aplikantu koji je duže vrijeme na evidenciji nezaposlenih.
- (2) Aplikacije iz prethodnog stava se na osnovu gore navedenih kriterija vrednuju u Službi i utvrđuje se prijedlog liste aplikanata za učešće u Programu. Na prijedlog Upravnog odbora Službe, ovu listu usvaja Vlada Kantona Sarajevo, a po usvajanju iste, direktor Službe, zaključuje ugovore sa aplikantima čije su aplikacije za učešće u Programu samozapošljavanja su prihvaciene.
- (3) Ugovorom iz prethodnog stava, uređuju se prava i obaveze Službe i aplikanta, obaveza isplate plaće i zakonom propisanih poreza i doprinosa, obavezu pravdanja pomenutih troškova i dr.
- (4) Rok za realizaciju Programa samozapošljavanja je 18 mjeseci od dana usvajanja listi iz stava (9) ovog člana.
- (5) Izuzetno, rok za realizaciju Programa može se produžiti uslijed nastupanja okolnosti da je osoba čije se samozapošljavanje sufinansira privremeno sprječena za rad duže od 42 dana ili zbog korištenja porodiljskog odsustva sufinansirane osobe, te se u tom slučaju obustavljaju refundacije do prestanka pomenutih okolnosti, a što će se definisati anksom ugovora o sufinansiranju.



Član 6.

PROGRAM SUFINANSIRANJA SAMOZAPOŠLJAVANJA MLADIH NEZAPOSLENIH OSOBA DO 35 GODINA ŽIVOTA

- (1) Program sufinansiranja samozapošljavanja mladih nezaposlenih osoba do 35 godina života (u daljem tekstu: Program), realizuje se njihovim samozapošljavanjem, odnosno pokretanjem samostalne djelatnosti.
- (2) Cilj Programa je kraće trajanje nezaposlenosti mladih nezaposlenih osoba do 35 godina života i stimulisanje njihovog samozapošljavanja.
- (3) Pravo učešća u Programu imaju mlade nezaposlene osobe koje na dan objave javnog poziva imaju 35 ili manje godina života, prijavljene na evidenciju nezaposlenih u Kantonu Sarajevo, a koje imaju osnovne pretpostavke za bavljenje samostalnom djelatnošću u Kantonu Sarajevo.
- (4) Služba će nezaposlenim osobama, koje budu obuhvaćene ovim programom i registruju samostalnu djelatnost, na ime troškova registracije, doznačiti sredstva u iznosu od 400,00 KM, te mjesечно, u trajanju od 18 mjeseci, refundirati sredstva u ukupnom iznosu od 1.000,00 KM, za isplatu plaća i uplatu zakonom propisanih poreza i doprinosa ili uplatu zakonom propisanih poreza i doprinosa u zavisnosti od vrste djelatnosti.
- (5) Programom samozapošljavanja neće se sufinansirati osnivanje udruženja, fondacija, domaće radinosti i poljoprivrednih djelatnosti kao ni aplikacije osoba koje su već koristile sredstva za ove namjene od strane Službe ili Federalnog zavoda za zapošljavanje.
- (6) Nezaposlene osobe koje žele učestvovati u ovom programu dužne su podnijeti:
 - aplikaciju na propisanom obrascu sa navedenim osnovnim elementima samozapošljavanja,
 - izjavu ovjerenu kod općinskog organa ili notara, a koja je sastavni dio aplikacije,
 - obaveznu formu poslovnog projekta, propisanu od strane Službe.

(1) Kriteriji za vrednovanje aplikacija su:

- aplikanti koji su na evidenciji nezaposlenih:
 - do 12 mjeseci.....1 bod,
 - od 12 do 48 mjeseci.....3 boda,
 - preko 48 mjeseci.....5 bodova.
- aplikanti koji će registrovati:
 - proizvodnu, turističku ili djelatnost iz IT sektora.....7 bodova,
 - proizvodno uslužno zanatstvo i stručne usluge.....5 bodova,
 - ostale djelatnosti.....2 boda.
- aplikanti koji će registrovati društvo sa ograničenom odgovornošću.....5 bodova.
- aplikanti koji su članovi šehidskih porodica i porodica poginulih boraca.....5 bodova,
- aplikanti demobilisani borci i članovi njihovih porodica.....3 boda.
- ocjena poslovnog projekta:
 - zadovoljava.....5 bodova,
 - dobra.....7 bodova,
 - odlična.....10 bodova.



KRITERIJI ZA OCJENU POSLOVNIH PROJEKATA APLIKANATA

KRITERIJ 1: INOVATIVNOST IDEJE

- Da li je poslovna ideja inovativna i na koji način? (do 5 bodova) _____
- Da li je opis poslovne ideje dovoljno jasan? (do 5 bodova) _____
- Da li su u opisu identifikovane potrebe kupaca koje se nastoje zadovoljiti poslovnom idejom? (do 5 bodova) _____

KRITERIJ 2: KVALIFIKACIJE

- Kvalifikacije aplikanta (iskustvo, znanje, motiv, stručnost,...) za pokretanje biznisa u navedenoj djelatnosti? (do 15 bodova) _____

KRITERIJ 3: PROIZVOD/USLUGA

- Po čemu će proizvod/usluga biti jedinstven? (do 5 bodova) _____
- Da li su navedene sve najvažnije karakteristike proizvoda/usluge koji će se nuditi na tržištu? (do 3 boda) _____
- Da li je jasna namjena proizvoda/usluge? (do 3 boda) _____
- Postoji li detaljno opisan proces izrade proizvoda/usluge? (do 3 boda) _____
- Da li su svi potrebni resursi za izradu proizvoda/usluge raspoloživi? (do 3 boda) _____
- Ima li proizvod ili usluga štetan uticaj po okolini? (do 3 boda) _____

KRITERIJ 4: TRŽIŠTE

- Postoje li informacije o provedenom istraživanju tržišta? (do 3 boda) _____
- Da li je izvršena segmentacija tržišta i identifikovani ciljni kupci? (do 3 boda) _____
- Koji su trendovi na cilnjem tržištu? (do 3 boda) _____
- Da li je urađena analiza konkurenčije i konkurentskih snaga? (do 3 boda) _____
- Da li su navedene preferencije potencijalnih kupaca? (do 3 boda) _____
- Postoji li plan prodaje proizvoda/usluga i da li je realan? (do 3 boda) _____
- Da li je naveden plan nastupa na tržištu i način upotrebe instrumenata marketinga? (do 7 bodova) _____

KRITERIJ 5: FINANSIJE

- Da li su realno procijenjena sve neophodna ulaganja za početak rada? (do 3 boda) _____
- Da li su ukalkulisani svi troškovi poslovanja za posmatrani period? (do 3 boda) _____
- Da li su prihodi realno procijenjeni? (do 3 boda) _____
- Ocjena profitabilnosti i likvidnosti (do 3 boda) _____
- Mogućnost da aplikant obezbijedi neophodna sredstva za početak rada (do 3 boda) _____

KRITERIJ 6: ORGANIZACIJA POSLOVANJA I ANALIZA RIZIKA

- Da li su jasna zaduženja aplikanta i utvrđeni rokovi za izvršenje planiranih zadataka? (do 5 bodova) _____
- Da li su navedeni najznačajniji kritični faktori za pokretanje biznisa te načini za njihovo prevazilaženje (do 5 bodova) _____



Obrazac za ocjenu poslovnog Projekta:

IME I PREZIME APLIKANTA
POSLOVNA IDEJA:

Maksimum bodova	Dobveni bodovi
100	

1. INOVATIVNOST IDEJE	15	
2. KVALIFIKACIJE APLIKANTA	15	
3. PROIZVOD/USLUGA	20	
4. TRŽIŠTE	25	
5. FINANSIJE	15	
6. ORGANIZACIJA POSLOVANJA I PROCJENA RIZIKA	10	

UKUPNO REZULTAT:	100	
------------------	-----	--

Poslovni plan do 50 bodova ocjenjuje se konačnom ocjenom – ZADOVOLJAVA

Poslovni plan od 51 do 80 bodova ocjenjuje se konačnom ocjenom – DOBAR

Poslovni plan preko 81 boda ocjenjuje se konačnom ocjenom – ODLIČAN

KONAČNA OCJENA: _____

- (1) Kod istog broja bodova, prednost se daje aplikantu koji je duže vrijeme na evidenciji nezaposlenih.
- (2) Aplikacije iz prethodnog stava se na osnovu gore navedenih kriterija vrednuju u Službi i utvrđuje se prijedlog liste aplikanata za učešće u Programu. Na prijedlog Upravnog odbora Službe, ovu listu usvaja Vlada Kantona Sarajevo, a po usvajanju iste, direktor Službe, zaključuje ugovore sa aplikantima čije su aplikacije za učešće u Programu samozapošljavanja su prihvачene.
- (3) Ugovorom iz prethodnog stava, uređuju se prava i obaveze Službe i aplikanta, obaveza isplate plaće i zakonom propisanih poreza i doprinosa, obavezu pravdanja pomenutih troškova i dr.
- (4) Rok za realizaciju Programa samozapošljavanja je 18 mjeseci od dana usvajanja listi iz stava (9) ovog člana.
- (5) Izuzetno, rok za realizaciju Programa može se produžiti uslijed nastupanja okolnosti da je osoba čije se samozapošljavanje sufinansira privremeno spriječena za rad duže od 42 dana ili zbog korištenja porodiljskog odsustva sufinansirane osobe, te se u tom slučaju obustavljaju refundacije do prestanka pomenutih okolnosti, a što će se definisati anksom ugovora o sufinansiranju.

Član 7.

PROGRAM SUFINANSIRANJA ZAPOŠLJAVANJA TEŠKO UPOŠLJIVIH KATEGORIJA NEZAPOSLENIH OSOBA

- (1) Program sufinansiranja zapošljavanja teško upošljivih kategorija nezaposlenih osoba (u daljem tekstu: Program) realizuje se njihovim zapošljavanjem kod poslodavaca sa područja Kantona Sarajevo.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-000, Fax: + 387 (0) 33 562-076
Web: <http://vlada.ks.gov.ba>, E-mail: vlada@vlada.ks.gov.ba

(2) Cilj Programa je kraće trajanje nezaposlenosti i obezbjeđenje kvalifikacione strukture radne snage.

(3) U Programu pravo učešće imaju nezaposlene osobe prijavljene na evidenciju nezaposlenih u Kantonu Sarajevo sljedećeg statusa: osobe sa invaliditetom, kao i radno sposobne osobe sa lakom i umjerenom retardacijom (dokaz – posljednji nalaz, mišljenje i ocjena instituta za medicinsko vještačenje ili druga relevantna dokumentacija izdata od strane nadležnog organa kojom se dokazuje da se radi o osobama sa invaliditetom, te akt izdat od strane nadležnog organa iz kojeg je vidljivo da se radi o osobama sa lahkou i umjerenou retardacijom), djeca i supružnici osoba sa invaliditetom od 60% i više (dokaz o srodstvu sa osobom sa invaliditetom od 60% i više i posljednji nalaz, mišljenje i ocjena instituta za medicinsko vještačenje ili druga relevantna dokumentacija izdata od strane nadležnog organa kojom se dokazuje da se radi o osobi sa invaliditetom 60% i više), članovi domaćinstva u kojem ni jedan član nije zaposlen (dokaz – uvjerenje općine i uvjerenje biroa za zapošljavanje za svakog člana domaćinstva), Romi (dokaz – ovjerena izjava o pripadnosti romskoj nacionalnoj manjini), samohrani roditelji, staratelji i hranitelji i njihova djeca (dokaz – uvjerenje/akt centra za socijalni rad ili drugi relevantni akti izdati od strane nadležnih organa kojim se dokazuje predmetni status), roditelji djeteta sa posebnim potrebama i roditelji teško bolesne djece (dokaz o srodstvu sa djetetom sa posebnim potrebama/teško bolesnom djetetu) i uvjerenje/akt centra za socijalni rad ili drugi relevantni akti izdati od strane nadležnih organa kojima se dokazuje da se radi o djetetu sa posebnim potrebama/teško bolesnom djetetu), žrtve nasilja, žrtve nasilja u porodici i djeca žrtava nasilja (dokaz – uvjerenje/akti centra za socijalni rad, MUP-a, suda, sigurne kuće ili drugi relevantni akti izdati od strane nadležnih organa kojima se dokazuje predmetni status, dokaz o srodstvu sa žrtvom nasilja za djecu žrtve nasilja), liječeni ovisnici o psihoaktivnim supstancama (dokaz – uvjerenje/akt specijalizirane medicinske ustanove, uvjerenje/akt komune), bivši štićenici domova za nezbrinutu djecu (dokaz – uvjerenje doma za nezbrinutu djecu, uvjerenje centra za socijalni rad) i korisnici javnih kuhinja (dokaz – uvjerenje centra za socijalni rad ili ovjerena fotokopija kartice za topli obrok).

(4) Služba će poslodavcima koji budu obuhvaćeni ovim programom, mjesечно, 12 mjeseca, refundirati sredstva u ukupnom iznosu od 900,00 KM, po novouposlenoj osobi iz ciljne skupine, za cijelu ili dio isplate bruto plaće. Svi drugi eventualni troškovi padaju na teret poslodavca.

(5) Nezaposlene osobe koje ispunjavaju uslove iz stava (3) ovog člana, dužne su u Službi preuzeti Vaučer za posao i pronaći poslodavca koji će ih zaposliti i kojem predaju Vaučer za posao na dalje postupanje.

(6) Poslodavci koji žele učestvovati u Programu dužni su:

1. podnijeti aplikaciju u roku predviđenom u javnom pozivu,
2. uz aplikaciju priložiti: rješenje o registraciji u Kantonu Sarajevo, uvjerenje o poreskoj registraciji sa identifikacionim brojem, uvjerenje o izmirenim obavezama po osnovu poreza i doprinosa ne starije od 60 dana od dana prijave na javni poziv sa listingom o trenutnom broju zaposlenih (izdat od strane Porezne uprave Federacije Bosne i Hercegovine), uvjerenje o izmirenim obavezama poreza na dodatnu vrijednost ukoliko je podnositelj aplikacije PDV obveznik ne starije od 60 dana od dana prijave ne javni poziv (izdat od strane Uprave za indirektno oporezivanje Bosne i Hercegovine), a ako podnositelj aplikacije nije PDV obveznik, dostavlja izjavu ovjerenu kod nadležnog općinskog organa ili notara da nije PDV obveznik i potvrdu banke ili ugovor o otvorenom glavnom računu poslodavca (ako je poslodavac budžetski korsnik šifra budžetskog



korisnika), Vaučer/e za posao popunjeno od strane nezaposlene osobe/a i poslodavca i dokaz o statusu sufinansirane osobe iz stava (3) ovog člana, sve u orginalu ili ovjerenoj fotokopiji.

(1) U Programu ne mogu učestvovati:

1. Poslodavci koji redovno ne izmiruju obaveze uplate javnih prihoda, osim u slučaju kad poslodavac ima potpisani ugovor sa Poreznom upravom Federacije Bosne i Hercegovine i/ili Upravom za indirektno oporezivanje o uplati duga na rate u kom slučaju je poslodavac dužan dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje ili uvjerenje da poslodavac vrši uplate po potpisanim ugovorom,
2. Poslodavci koji nemaju radnika prijavljenih na penzijsko – invalidsko osiguranje.

(1) Javni poziv za Program ostaje otvoren do utroška sredstava, a najduže 6 mjeseci od dana objave uz mogućnost prekida prije isteka 6 mjeseci, a odobravanje aplikacija po Programu vršit će se prema vremenu i redoslijedu zaprimanja na protokolu Službe.

(2) Poslodavci korisnici Programa dužni su u radnom odnosu zadržati postojeći broj radnika koji su imali u momentu podnošenja zahtjeva, uvećan za broj sufinansiranih osoba, osim u slučajevima odlazaka u penziju postojećih radnika i raskida ugovora o radu na zahtjev radnika, a do okončanja ugovora o sufinansiranju.

(3) Izuzetno, odredbe stava (9) ovog člana, ne odnose se na poslodavce iz javnog sektora.

(4) Odobravanje aplikacija koje ispunjavaju uslove iz Programa, vrši se po vremenu i redoslijedu zaprimanja na protokol Službe i na osnovu toga utvrđuje se prijedlog liste poslodavaca sa nezaposlenim osobama iz ciljne kategorije za učešće u Programu. Na prijedlog Upravnog odbora Službe ovu listu usvaja Vlada Kantona Sarajevo. Nakon što Vlada Kantona Sarajevo usvoji predložene liste poslodavaca sa nezaposlenim osobama iz ciljne kategorije, direktor Službe zaključuje ugovore sa aplikantima čije aplikacije za učešće u Programu su prihvачene i eventualne anekse ugovora.

(5) Ugovorom iz stava (11) uređuju se međusobna prava i obaveze, pravo poslodavca na refundaciju sredstava i obavezu zaključivanja ugovora o radu sa nezaposlenom osobom iz ciljne skupine sa punim radnim vremenom na period od najmanje 12 mjeseci, obavezu isplate plaća i pripadajućih poreza i doprinosa za zaposlenu osobu, zadržavanje u radnom odnosu isti broj radnika koji je zatečen u periodu od podnošenja zahtjeva, uvećan za broj sufinansiranih osoba do isteka perioda sufinansiranja uz gore navedene izuzetke, obavezu pravdanja pomenutih troškova i dr.

(6) Rok za realizaciju Programa je 18 mjeseci od dana potpisivanja ugovora sa poslodavcem iz stava (11) ovog člana, uključujući i eventualne anekse ugovora.

(7) Izuzetno, rok za realizaciju Programa može se produžiti uslijed nastupanja okolnosti da je osoba čije se zapošljavanje sufinansira privremeno spriječena za rad duže od 42 dana ili zbog korištenja porodiljskog odsustva sufinansirane osobe, te se u tom slučaju obustavljaju refundacije do prestanka pomenutih okolnosti, a što će se definisati anksom ugovora o sufinansiranju.“



PRAĆENJE REALIZACIJE PROGRAMA

Član 8.

- (1) Realizacija Programa mjera je u nadležnosti Službe u skladu sa članom 7. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo ("Službene novine Kantona Sarajevo", broj: 4/04, 29/09 i 18/13).
- (2) Monitoring i evaluacija pojedinačnih podsticajnih mjera navedenih u ovom programu, vršit će se u skladu sa odlukom Ministarstva za rad, socijalnu politiku, raseljena lica i izbjeglice Kantona Sarajevo.
- (3) Vlada Kantona Sarajevo, nadležna je da:
 1. usvaja liste poslodavaca/nezaposlenih osoba koji ispunjavaju uslove za učešće u pojedinačnim podsticajnim mjerama ovog Programa,
 2. usvaja liste poslodavaca/nezaposlenih osoba koji ne ispunjavaju uslove za učešće u pojedinačnim podsticajnim mjerama ovog Programa,
 3. vrši izmjenu i dopunu listi poslodavaca/nezaposlenih osoba ukoliko poslodavac/nezaposlena osoba odustane od učešća u ovom programu na osnovu čega će se potpisivati anexi ugovora,
 4. odobrava uključivanje poslodavaca/nezaposlenih osoba u realizaciju ovog programa koji su sljedeći na listi poslodavaca/nezaposlenih osoba koji će realizirati program ukoliko prethodni sa liste odustane.

- (1) Upravni odbor Službe, nadležan je za razmatranje prigovora.

OSTALE ODREDBE

Član 9.

Rok za podnošenje prigovora je 8 dana od dana objavlјivanja rezultata javnih poziva na web stranici Službe.

Član 10.

Služba će u roku od 15 dana od dana utvrđivanja ovog Programa, za pojedinačne podsticajne mjere, objaviti javne pozive za učestvovanje u realizaciji Programa, najmanje u jednom dnevnom listu koji izlazi u Kantonu Sarajevo i na web stranici Službe.

Član 11.

U slučaju da se ne utroše novčana sredstva namijenjena za realizaciju određene podsticajne mjere, Služba će ponoviti javni poziv u skladu sa Programom, za tu podsticajnu mjeru ili preusmjeriti sredstva na druge programe.

Član 12.

O efektima realizacije ovog programa, Služba će izvještavati osnivača putem godišnjih izvještaja o radu.



Član 13.

Rezultati javnih poziva objavljivat će se na web stranici Službe, a uz primjenu Zakona o zaštiti ličnih podataka (Službeni glasnik BiH“, broj: 49/06, 76/11 i 89/11).

Član 14.

Ovaj program će se primjenjivati narednog dana od dana utvrđivanja od strane Vlade Kantona Sarajevo.



Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Premijer Kantona Sarajevo,
4. Ministarstvo za rad, socijalnu politiku, raseljena lica i izbjeglice Kantona Sarajevo,
5. Ministarstvo privrede Kantona Sarajevo,
6. Javna ustanova „Služba za zapošljavanje Kantona Sarajevo“ Sarajevo,
(putem Ministarstva za rad, socijalnu politiku, raseljena lica i izbjeglice Kantona Sarajevo),
7. Evidencija,
8. A r h i v a.



23 -03- 2022